



Inatsisartuni ilaasortaq
Steen Lynge, Demokraatit
/Maani

Pinngortitaleriffik pillugu § 37 naapertorlugu apeqquteqaammut nr. 2019-004-mut akissut

Asasara Steen Lynge

4. januar 2019-imi Pinngortitaleriffiup suliai sorianullu attuumassuteqannginnera pillugu Naalakkersuisunut apeqquteqaateqarputit.

Apeqqutit uannut akisassanngorlugit innersuunneqarput.

Aallarniutigalugu erseqqissaatigineqassaaq, Pinngortitaleriffimmit apeqqutit saqqummiussatit ingerlaavartumik isummerfigineqartarmata. Pinngortitaleriffiup naalakkersuinikkut taamatullu aningaasaqarnikkut soqutigisanut isummanulluunniit attuumassuteqannginnerata qlarineqannginnissaa suliffeqarfiup tatiginassusianut pingaaruteqarluinnarpoq. Taamatuttaaq misissuinerit inernerisa siunnersuisarnerullu ilisimatusarnikkut tunngavissanik qularnaatsunik tunngaveqarnissaat pingaaruteqarpoq.
Avataaniit aningaasaliisarnernut tunngatillugu aningaasaliissutit Pinngortitaleriffiup nammineerluni qinnuteqaatigisimasaasa pissarsiarineqartarnissaat, tassanilu siunertat suleriaatsillu suliffeqarfimmit namminermiit aalajangersarneqartarnissaat aammalu suleriaatsini nunani tamalaani pitsaassutsit malinnejartarnissaat pingaaruteqarpoq, taakkununngalu suleqatinit allanut attuumassuteqanngitsunut ilisimatusarnerit pillugit allagaatit uteqqinneqartarnerat ilaavoq. Kiisalu Pinngortitaleriffiup misissuinerit aningaasanut inatsimmi aningaasaliiffigisat inernerri assigalugit, arlaannaanulluunniit attuumassuteqanngitsumik suliassat avataaniit aningaasalersorneqartut inernerinik tamanut ammasumik saqqummiussisinnaanissaat pingaaruteqarpoq.

Avataaniit aningaasaliissutit Kalaallit Nunaanni ilisimatusarnermut aammalu ilisimasanik piginnaaneqarfinnillu annertusaanermut tunngaviliisuupput. Aningaasanut inatsimmi aningaasaliissutit pingaartumik uumasooqatigiinnik nakkutilliinermut, sulisunut attaveqaatinillu ingerlatsinermut atorneqartarpuit.

Matuma kinguliani apeqqutitit qulit akineqarput.

1. Kikkut suullu kattuffiit Pinngortitaleriffiup suleqatiginikuuai ukiut kingulliit tallimat ingerlanerini?

Brevdato: 15-01-2019
Sagsnr.: 2019 - 297
Akt-id: 9731032

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Pinngortitaleriffiup ilisimatusarfiit pisortanilu sullissiviit arlalissuit, kiisalu aningaasaateqarfiiut namminersortut ataasiakkaat suleqatigai. Allattorsimasut amerlasoorsuupput, taamaattumillu suliffeqarfiiup 2013-17-imut ukiumoortumik nalunaarusiai innersuussutigineqassapput, taakkulu Pinngortitaleriffiup nittartagaani pissarsiarineqarsinnaapput, uani: <http://www.natur.gl/publikationer-og-formidling/aarsberetninger/>.

2. Kikkut aamma taakku suleqatit arlaat Pinngortitaleriffimmuit aningaasaleeqataanikuuppat?

Pinngortitaleriffiup ukiumoortumik kalaallit aningaasanut inatsisaanni aningaasaliissutit 100-t tikillugit amerlassusillit aqutarisarpai, taakkulu 2019-imi 64,3 mio. koruuninik amerlassuseqarput. Aningaasaliissutit aningaasallu atorneqartut Pinngortitaleriffiup ukiumoortumik nalunaarusiaani allassimapput. Taakku amerlanersaat nunatsinni nunanilu allani pisortat sullissiviinit, soorlu ministereqarfinnit, aqutsisoqarfinnit, ilisimatusarnermi siunnersuisooqatigiinnit, Nunani Avannarlerni Ministerit Siunnersuisooqatigiiffiannit, EU-mit il.il. pissarsiarineqartarput.

Tunissutit pisortaneersuunngitsut ukiuni kingullerni marlunni Aage V. Jensenip Aningaasaateqarfiiinit, Oak Foundation/Villum-ip Aningaasaateqarfianit, Carlsbergip Aningaasaateqarfianit, Royal Greenlandimit aamma Sustainable Fisheries Greenland-imiit pissarsiarineqarsimapput.

3. Pinngortitaleriffik ukiut kingulliit tallimat ingerlanerini nuna allanit aningaasanik qassnik pissarsinikuua?

2013-imiit 2017-imut Pinngortitaleriffiup aningaasaliissutit avataaneersut katillugit imatut amerlassusillit atorpai:

2013: 35,0 mio. koruunit
2014: 39,2 mio. koruunit
2015: 46,9 mio. koruunit
2016: 63,4 mio. koruunit
2017: 72,4 mio. koruunit

Taakku amerlanersaat Danmarkimeersuupput nunanilluunniit allaneersuullutik.

4. Aningaasaliissutinik tigusaqartoqarsimappat, taava aningaasaliissutit siunertanut sunut tuttussaanikuuppat?

Avataaniit aningaasaliissutini siunertaasut immikkoortunut sisamanut agguarneqarsinnaapput:

1. Ilisimatusarnissamut aningaasaliissutit, immikkut ittumik ilisimatusarfisanut apeqqutinik paasiniaanissamut siunertaqarfiusut.
2. Alapernaarsuinissamut aningaasaliissutit, aningaasanut inatsimmi aningaasaliissutit naammatsinnagit Kalaallit Nunaanni uumasooqatigiinnik, silap pissusianik pinngortitallu ataqtiginnerinik alapernaarsuinermik siunertaqarfiusut.

3. Akissarsiassanut aningaasaliissutit, Kalaallit Nunaanni ilisimatusarnermi piginnaaneqarfinnik annertusaanissamik siunertaqarfiusut.
4. Attaveqaatinut aningaasaliissutit, ilisimatusarnermi attaveqaatinik, soorlu illunik, ornigulluni misissuisarf Finn, angallatinik ilisimatusarnermilu atortunik annertusaanissamik siunertaqarfiusut.

Tamatumunnga atatillugu namminersortut uku tunissuteqartuupput:

Aage V. Jensenip Aningaasaateqarfii: Illut, ornigullu misissuisarfii atortullu.
Oak Foundation/Villum-ip Aningaasaateqarfia: Avatangiisutut aatsitassanullu immikkoortortaqarfimmik nutaamik pilersinneqartumi piginnaaneqarfinnik annertusaaneq.

Carlsbergip Aningaasaateqarfia: Imaani uumasut miluumasut nerisaqarnerat.
Royal Greenland: Nipisaat amerlassutsimikkut katitigaanerink misissuineq.
Sustainable Fisheries Greenland: Aalisarfinni uumasut natermiut misissuiffigineqarnerinut tapiissutit.

5. Soqtigisaqaqatigiinnit Pinngortitaleriffik aningaasaliiffigineqarnikuua, nunani allani pisassiissutinut Kalaallit Nunaanni aamma atuuttusanut aalajangeeqataasartunit?

Naagga.

Pinngortitaleriffik soqtigisaqaqatigiiffinnit, isummanik allanngortitsiniarnermik ingerlatsisuusunit (WWF, Greenpeace il.il.) tapiissutinik tigusineq ajorpoq, taamatullu tamatumunnga kajumissaarinertaqanngitsumik neqeroorutit itigartinneqartarput.

6. Misissuinerit tamaasa eqqarsaatigalugit Pinngortitaleriffik arlaannaannulluunniit attuumassuteqarani suliamnik ingerlatsisinnaava, pisassiissutinut tunngaviusussat pillugit, aamma nunami maani atuuttusanik, Pinngortitaleriffik aningaasanut inatsisip saniatigut tamakkiisumik ilaannakoortumilluunniit allanit aningaasaliiffigineqartarsimappat?

Aap.

Pinngortitaleriffiup arlannaanulluunniit attuumassuteqannginnera
Pinngortitaleriffik pillugu Inatsisartut inatsisaat nr. 6, 8. Juni 1994-imeersoq
aqquqgalugu inatsisitigut qulakkiigaavoq.

Aningaasatigut, naalakkersuinikkut soqtugisaqaqatigiiffinnillu soqtigisat tatisimaneqarnerluunniit apeqquaatinngu, Pinngortitaleriffiup ilisimatusarnikkut misissuinerit inernerinik tamanut ammasumik saqqummiussinissamut inatsisitigut pisussaaffigisaanik malinninnissaa Pinngortitaleriffimmi siulersuisut eqqumaffigisorujussuaat.

7. Kalaallit Nunaanni pisassiissutissat pillugit innersuussinermut atatillugu Pinngortitaleriffiup arlaannaannulluunniit attuumassuteqannginnissaa

qanoq qularnaarneqarsinnaava, Pinngortitaleriffik nunami maani misissuinissanut allaninngaanniit aningaasaliissutinik pisarsinnaappat?

Pinngortitaleriffik pisassiissutissat annertussusissaannut inassuteqarneq ajorpoq, taamaallaalli biologitut siunnersuuteqartarluni.

Uumasut pillugit siunnersuisarnerit nunani tamalaani ilisimatusarnermi ataatsimiitidianit, Affanniarnermut Ataastsimiititaliarsuup (IWC), Imarpiup Avannaani Immami Uumasunut Miluumasunut Ataatsimiititaliarsuup (NAMMCO), Qilalukkat qaqtortat qernertallu pillugit ataatsimoorussamik ataatsimiititaliarsuup (JCNB), Nannut pillugit ataatsimoorussamik ataatsimiititaliarsuup (JCPB), Nunani Tamalaani Immami Misissuisarnermut Siunnersuisooqatigiinni (ICES), Imarpiup Avannaata Kitaani Aalisarnermut Suleqatigiiffik (NAFO), Imarpiup Avannaata Kangiani Aalisarnermut Ataatsimiititaliarsuup (NEAFC) il.il. ataaniittunit saqqummiunneqartarput. Pinngortitaleriffimmi ilisimatusartut ilisimatusarnermi ataatsimiititaliat suleqatigiissitaanni ilisimatusartut, nunanit tamalaaneersut peqatigalugit ilisimatusarnermik inernerri saqqummiuttarpaat, taakkulu pitsaassusaat nalileqqissaarneqartarput nunanilu tamalaani misissoqqinnejartarlutik. Ilisimatusarnermi ataatsimiititaliani nunani tamalaani pitsaassutsit suleriaatsillu malinneqartarput, tamatumalu kingorna suliat inernerri nunani tamalaani suleqatigiissitap ataani ataatsimiititaliamut tunniunneqartarput, taannalu kingusinnerusukkut siunnersuuteqartarpoq.

Pisassat ilaatigut biologit siunnersuutaat, ingrlatsivinnit assigiinngitsunit tiguneqartut tunngavigalugit Naalakkersuisunit aalajangersarneqartarput.

8. Pinngortitaleriffiup arlaannaannulluunniit attuumassuteqannginnera kikkut nalilertarpaat?

Pinngortitaleriffiup suliatigut arlaannaannulluunniit attuumassuteqannginnera nunani tamalaani ilisimatusartunit tamatumalu saniatigut inuiqatigiinnit naliliiffiqeqartarpoq. Pinngortitaleriffimmi ilisimatusartut ilisimatusarnikkut perulluliorismanningerannut ilisimatusarnikkut tunngavissaq uppernarsarneqarsimasoq sullivimmit pigineqarpoq. Aamma sulliffiup sulinerani isummersuuteqartoqartarneranut takussutissanik peqanngilaq.

9. Arlaannaannulluunniit attuumassuteqannginnissaq qanoq sutigut tamatigut qularnaarneqarsinnaava?

Pinngortitaleriffiup inatsisitigut pisussaaffiminik naammassinninnissaa Pinngortitaleriffiup Siulersuisa qulakkeertarpaat. Siulersuisut imatut katitigaapput: Siulittaasoq arlaannaannulluunniit attuumassuteqanngitsoq, Namminersorlutik Oqartussanit toqqarneqartoq, Aalisarnermut, Piniarnermut Nunalerinermullu Naalakkersuisoqarfimmi pisortaq, Pinngortitamut, Avatangiisintut Ilisimatusarnermullu Naalakkersuisoqarfimmi pisortaq aamma Ilinniartitaanermut, Kultureqarnermut Ilageeqarnermullu Pisortaq, Namminersorlutik Oqartussanit toqqarneqartut. Taakku saniatigut soqutigisaqaqatigiit KNAPK, Savaatillit peqatigiiffiat SPS aamma Sulisitsisut, kiisalu Pinngortitaleriffimmi sulisut sinnissaat marluk ilaasortaatitaqarput.

10. Pinngortitaleriffiup arlaannaannulluunniit attuumassuteqannginnissaa qanoq iliorluni pitsaanerpaamik qularnaarneqarsinnaava?

Apeqqut 6-imut akissut takuu.

Inussiarnersumik inuullaqqusillunga

Erik Jensen